

AKASHVANI AIZAWL

REGIONAL NEWS UNIT

REGIONAL NEWS BULLETIN

LITERARY RATE

Chief Minister Pu Lalduhoman Mizoram chu ramchhunga ziaak leh chhiar thiam tamna ber a ni ta tih a puang.

Nizan khan he thu hi House ah puangin Chief Minister chuan ziaak leh chhiar thiamlo te thiam tir tur hian Education Minister hmalakna in Volunteer teacher 292 an ruai a, heng mite hian beihpui thlakin an hmalakna hnuaiah hmeichhia zaah 97, mipa 99.02 in ziaak leh chhiar an thiam ta a, ziaak leh chhiar thiam tam zat hi zaa 98.02 a ni a, hei hi India ramah a sang ber a ni a ti.

Mizoram Literacy rate hi officiala puan la ni lo mahse, puan thuai tur a ni tih Chieg Minister chuan sawiin, Nagaland in a dawt a, Kerala pathumna a ni dawn a ni a ti.



CM

Chief Minister Pu Lalduhoman a sorkar chuan Pathian lalram tundin kawngah Moral Reformation an thlen mek a ti.

Nizana Assembly House-ah he thu hi sawiin Chief Minister chuan diklohna tihbo a dikna tungding turin theih tawp an chhuah a, aikal an titawp ringawt pawhin thlarau nun a siamthaa chhungril atanga insiamthatna, moral reformation a thlen a ni a ti.

Biometric attendance hmangin, sorkar hnathawk te chu mipui ten an pawisain an ruai a, a hunah an thleng tur a ni a, a hunah an haw tur a ni a ti, sem policy sawirik a ni tawh lova, thawhrim an inzirtir a, integrit y pact an tih mahni chhung leh khatte vulh an phal lo a ni a ti. Contractor te hnena inremsiamna faulty agreement reng reng tihtawp ani ang a ti a ni.

Chief Minister chuan Mizoram chu ramchhunga state ralmuang ber a nih angin Thenzawl ah Peace City ah an din dawn a ti a, lau lui an khuap dawn a, MOHUA atangin a DPR siamna tur cheng vbc 10 an pe dawn a ti.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Zanin dar 6 leh a chanve-ah Chanchinthar hi puan leh a ni ang.



WALKATHON

Health & Family Welfare Department Mizoram Health Systems Strengthening Project (MHSSP) buatsaihin ‘Hriselna atan kein kal thin ang che’ (Walk for Health) Walkathon kharna tukin khan Aizawl Sipai Lammual ah buatsaih a ni.

Health & Family Minister Pi Lalrinpuii chuan walkathon kharna hun hi a hmanpui a. Pi Lalrinpuii chuan mizoten hriselna ngaipawimawha zinga kea kal an intih hmuh chho zel chu thil lawmawm tak a nih thu sawiin, hmasawna leh changkanna kawng pawimawh tak a nih thu a sawi a. Kalkhawmte chu taksa hriselna ngaipawimawha taksa in sawi zawi uar chhunzawm zel turin a sawm a ni.

Walk for Health Walkathon 2025 pual hian Mizoram District hrang hrang paruk-a khaw 510 ah te thisen sang, zunthlum, cancer, stroke leh lungphuchawl laka inven dan tur leh inenkawl dan zirtir niin Village level, District level leh State level ah te 'Hriselna atan kein kal thin ang che' tih thupui hmangin kea kal runpui “Walkathon” hi buatsaih a ni.



RS MP

Parliament Session kal mekah vawiin khan Rajya Sabha MP Pu K.Vanlalvena chuan Champhai District a awm Lianpui khua chu India rama hmun pawimawh ah puang turin Central sawrkar a ngen.

Regional Archaeology Survey of India, Guwahati atangin Archaeologist te rawn tirin Lianpui khua a hmanlai pi pute lung phun sang tak tak te an rawn endik tawh thu leh India ram hmun pawimawh atana puan tlak nia an hriat thu Pu Vanlalvena chuan House a hrilh a. Kum 2021 February ni 9 khan India sawrkar Ministry of Culture chuan Lianpui khua hi National Importance a puan a nih theih nana tih tur pawimawh hmasa te Sawrkar laipui Gazetted ah te lo chhuah tawhin a rem lohna hria chuan thla hnih chhunga dodalna thehltur turin thuchhuah a lo siam tawh thu Pu Vanlalvrna chuan a sawi chhuak bawk. Hunbi tiam chhunga dodalna thu sawrkarin a dawn loh avangin Archaeological Survey of India Guwahati leh Aizawl chuan Central sawrkarin National Importance atana Lianpui khua Mizoram a puan hun hi an nghak reng a ni tih House ah hian a sawi chhuak bawk a ni.

Hetiang hi thil awmzia a nih avangin in 156 awmna khua, Mizoram khaw chhak lam Champhai District, Myanmar ramri hrula awm Lianpui khua chu "India ram hmun pawimawh atana" puang thuai tur in Central Sawrkar a ngen a ni.

